

ԱՆԱՍՆԱՊԱՅՈՒԹԻՒՆԸ ԿՈՎԿԱՍՈՒՄ

ՀԱՄ ԱԼԵԿՍԱՆԴՐ ՔԱԼԱՆԹԱՐԻ

„Состояніе скотоводства на Кавказѣ“ Рогатый скотъ.—Изъ II тома „Матеріаловъ для устр. казенн. пастбищъ и для изуч. скотоводства на Кавказѣ“).

Յ. ՍԱՂԱԹԵԼԵԱՆԻ

Պր. Ալ. Քալանթարի աշխատութիւնը պաշտօնական հետազոտութիւն է և գրւած է ի հարկէ ուսներէն լեզուով: Պաշտօնական հետազոտութիւնները առհասարակ, ծառայելով լատնի վարչական նպատակներին, լինում են մեծ մասամբ միակողմանի և ոչ միշտ համապատասխան անձից կառարւած: Պաշտօնական հետազոտողը սովորապէս իւր առանձին ուշադրութիւնը լարում է ուսումնասիրելի առարկայի ալն կողմի վերայ, որը իսկական դրդիչն է ալդ հետազոտութեան և որի վերաբերմամբ լատնի վարչական մտադրութիւններ կան: Բայց լինում են դէպքեր, երբ պաշտօնական հետազոտութիւնները կրում են գրական և գիտնական հետազոտութիւնների բոլոր արժանաւորութիւնները, դոցա կատարողների չափութիւնների շնորհիւ: Այդ տեսակ մի երևույթ է ներկայացնում նաև պ. Քալանթարի հետազոտութիւնը, որի նիւթը կազմում է մի առաջնակարգ տնտեսական նշանակութիւն ունեցող առարկայ—անասնապահութիւնը ամբողջ Կովկասում: Մի այնպիսի երկիր, որպիսին մերն է, որտեղ տնտեսական կեանքը դիւաւորապէս կախնում է գիւղական արդիւնաբերութեան մէջ, շատ հեշտ է հասկանալ թէ ինչ դեր պիտի խաղալ ալդ կեանքում անասնապահութիւնը: Վերջինս, բացի իւր անմիջական արդիւնաբերական դերից, որը երբեմն ժողովրդի դոլութեան միակ աղբիւրն է կազմում մի անպիսի գիւղատնտեսական երկրում, որպիսին մերն է, պալմանաւորում է արդիւնաբերութեան համարեալ բոլոր միւս ճիւղերի գոլութիւնը: Անասնապահութեան ալդ մեծ

տնտեսական նշանակութիւնը կազմում է հետազոտութեան գլխաւոր հիմքը: Այդ դժար և բազմակողմանի խնդրի մէջ հետազոտողը ցոյց է տալիս հիմնաւոր մասնադիտական պատրաստութիւն, միացած իմաստասիրական ընդունակութեան և պարզ ու նկարչական ոճի հետ:

Պր. Քալանթարի աշխատութիւնը բաղկացած է երկու մասից. իսկական շարադրութիւնից և 2) Նիւթերից, որոնց վերաջ հիմնւած է առաջին մասը: Այդ աշխատութեան արժէքը հասկանալու համար, բաւական է իմանալ, որ Նիւթերը կազմում են հեղինակի անմիջական դիտողութիւնները, որ նա կատարել է շրջելով ամբողջ Երկիրը, ուսումնասիրելով ամեն մի անկիւն, ուր գտել է մի որ և իցէ տեղալին առանձնապատկութիւն, Վովկասի կլիմայի և բնութեան բազմատեսակութիւնը բնականաբար պիտի արտապատէր և Նրանում գտնուող կենդանիների ցեղերի և տեսակների վերաջ: Այդ, աչպէս առաձ, բնութիւնից ծագած բարդութիւններին՝ Վովկասում միանում է անասնապահութեան վերաբերմամբ՝ ժողովուրդների կուլտուրական սովորութիւնների և պահանջների բազմատեսակութիւնը: Չը նախելով խնդրի աչպիսի դժարութիւններին, հեղինակը զարմանալի չաջողութեամբ լուծել է Նրան, Նրա նկարագրութիւնը անասնապահութեան դրութեան, բաղմակողմանիութեան և սիստեմատիկականութեան պատճառով՝ կարող է բաւաբարութիւն տալ իւրաքանչիւր մէկին՝ ինչ տեսակէտից որ հետաքրքրէր աչդ առարկալով: Ահա ինչու՞ն է Նորա անփոխարինելի առաւելութիւնը:

Առաջին մասը բաղկացած է չառաջաբանից և 5 գլուխներից: Յառաջաբանի մէջ հեղինակը խօսում է ալն առանձին պալմանների մասին, որոնք ի միջի ալոց ազդում են Վովկասի անասնապահութեան վերաջ, որոնք կալանում են բնակիչների սովորութիւնների խտրութեան մէջ. օրինակ մինչդեռ ժողովրդի մի մասի կենդանիները ձմեռը կերակրում են տաք բնակարաններում, ուս աղանդաւորներինը ապրում է ուղղակի ձիւնի վերաջ, խաչնարաններինը մեծ մասամբ արածում է ամբողջ ձմեռ կիսացուրտ տեղերում: Հիւսիսային Վովկասում շատ տեղերում հորդերը ձմեռում են միայն մի քանի շաբաթ, մինչդեռ միւս մասերում շարունակ՝ քանի կողը կաթ է տալիս: Նողակները և ուս աղանդաւորները կաթի արդիւնաբերութեան ժամանակ երբէք չեն տաքացնում Նրան, իսկ միւսները բոլորովին հակառակն են անում: Բնակչութեան մի քանի մասերի համար անասնապահութիւնը կազմում է միայնակ ապրուստի միջոցը, իսկ միւսների համար օժանդակիչ: Ապա բերում է մի քանի նահանգների անասունների թիւը, ըստ Տրեսկովսկու և Արքունի կալաածների նախարարութեան հետազոտութիւնների: Ըստ Տրեսկովսկու՝ Անդրկովկասի և Հիւսիսային Վովկասի նահանգներում անասունների միջին թիւը 1871—1881 ժամանակամիջոցում եղած է.

	Տե՛ւանուհ.	ոչխար.	ձէ.
Բազուալ Նահանգում	600.000	1.000.000	300.000
Թիֆլիսի »	500.000	1.900.000	80.000
Ղանձակի »	400.000	1.500.000	100.000
Նրեանի »	250.000	500.000	50.000
Վոլթալիսի »	150.000	124.000	40.000
Կուրանի »	1.000.000	1.713.000	170.000
Ստաւրոպոլի »	616.000	1.780.000	990.000
Տերսկու »	200.000	16.400	40.000
Ընդամենը . .	3.716.000	8.384.300	1.039.000

Բազի ալդ, Ղանձակի Նահանգում կան 30.000 փափկամաղ ոչխար, Թիֆլիսի 9.000, Վոլթալիսի 1.500, Կուրանի 587.000 փափկամաղ ոչխար և 154.000 ալծ, Ստաւրոպոլի 300.000 ոչխար փափկամաղ և 73.000 ալծ, Տերսկի Նահանգում—100.000 ալծ, Արքունի Նախարարութեան թւերը վերաբերում են միայն արքունի գիւղացիներին, Այս տեղից մենք կը բերենք միայն այն թիւ միջին արքունի գիւղացու տան վերալ որքան անասուն է դալիս. Թիֆլիսի Նահանգում ամեն տեսակի անասուն միջին տանը ընկնում է 32 գլուխ, Բազուի 20, Նրեանի 22, Ղանձակի 17, Վոլթալիսի 5. Կոտորակները թողնում ենք, Այս թւերից պարզ երևում է, որ անասնապահութիւնը մեր երկրի տնտեսական կեանքում նշանաւոր տեղ է բռնում, բայց նա արդեօք բարւոքում է մեր երկրի ազգաբնակչութեան նիւթական պալմանները այն չափով, որ չափով կարող է, ահա ինչդիրը, Թւերին նայելով պէտք է ալդ բոլորը սպասել, բայց իսկապէս լաւ լալանի է, որ մեր աղգաբնակչութեան տնտեսական դրութիւնը բոլորովին նախանձելի չէ, Ալդ քանակութեամբ անասնապահութիւն՝ մի եւրոպական երկրում միայն վերցրած՝ գրաւական է ժողովրդի բարեկեցութեան, Բայց ինչու մեզանում ազգաբնակչութիւնը ունենալով միևնույն պալմանը, ունենալով նաև բաւականաչափ մշակութեան հող, մեծ մասամբ ամեւալ կրիմալական պալմաններում, որտեղ բուսնում են թանկագին բերքեր, ողորմելի դրութեան մէջ է, Մի եւրոպացի գիւղական ընտանիք ունենալով 32, 20, 22 գլուխ անասուն՝ միայն ղորանով կարող է ոչ թէ միայն բաւականաչափ, այլ բարեկեցիկ կեանք ունենալ, բայց մեր գիւղացին ալդքան անասունի հետ ունենալով հող, սեպհական տուն՝ աղքատ է, ապրում է ոչ թէ տան մէջ, այլ որջի, ծածկած է ցնցոտիներով, գլխաւոր մեռնող ունենալով մեծ մասամբ միայն ցամաք հացը. հողագործական աշխատանքից աղատ ժամանակը, թափառում է քաղաքները օրական 20 կամ 30 կոպէկ օրավարձի համար և կրկին թաղած մնում անվերջ պարտքերի մէջ, Հասկանալի է թէ որտեղ պիտի փնտռել ալդ վնասեցուցիչ դրութեան պատճառը, Տէք ալդ երկրին եւրոպական գիւղատնտեսական ար-

գլխաբերութեան տեսնելական և մթերքների արտահանութեան պայմանները, մենք կը տեսնենք, որ միևնոյն գլխաբերի հնար կ'ունենալ թէ մարգավարի ապրուստ ունենալ և թէ մտաւորապէս լաւաջ ընթանալ: Ահա մի խնդիր որ ծագում է ժողովրդի բարեկեցութեան համար մտածողի առաջ, մի պարտք—Նրանց վերալ, որոնք կարող են տալ ալդ ժողովրդին ալն, ինչ պակասում է նրան բարեբաստիկ կեանք ունենալու համար:

Առաջին գլխում հեղինակը որոշում է Կովկասում տարածւած տաւարի գլխաւոր տիպերը: Նա գտնում է տաւարի երկու ցեղ, իւրաքանչիւրը մի քանի ճիւղերով, 1) Մեծ Կովկասեան և 2) Փոքր Կովկասեան: Առաջին ցեղը ապրում է Մեծ Կովկասի բարձրաւանդակներում և չովտներում, իսկ երկրորդ ցեղը Փոքր Կովկասի լեռնաշղթաների և հալկական լեռնազաւթի վերալ: Առաջին մեծկովկասեան ցեղը փոքրահասակ է, քարշը մորթելուց լետու 3—6 փութ է, ազեղ է, սակաւակաթ. գոնը գլխաւորապէս սև: Այդ ցեղը բաժանւում է հեռեւեալ գլխաւոր ճիւղերի՝ Դաղստանեան, Վիրական, Կարաչայեան, Կումիկեան, Կուբինեան, Շիրվանեան և այլն: Փոքր Կովկասեանը համեմատաբար աւելի խոշոր է. մորթելուց լետու քաշւում 8—12 փութ, գեղեցկակազմ է, կաթնատու, լայնալանջ և գլխաւորապէս կարմիր գոնով, Այդ ցեղի ամենաազնիւ տեսակը ներկայացնում է զարաբաղադադախեանը: Բացի վերջինիցս Նշանաւոր են, Դարալագեաղեան (Վալոց ձոր) Շորազկաւեան փամբակեան (Շիրակ) և Քրգական և այլն:

Հետազոտութիւնից երևում է, որ Կովկասում տաւարի ազնիւ ցեղերը ապրում են հալկական մասում: Հասկանալի է պատճառը. Հայաստանը չափանի է իւր ճոխ ազգիւրներով լի արօտատեղիներով: Այս լատկութիւնների պատճառով՝ Նա գեւ շատ վաղ ժամանակներից գրաւում էր դէպի ինքը խաշնարած բարբարոսներին, որոնք վերջ ի վերջոյ պիտի նորա տէրը դառնային, կործանելով նորա ազգաբնակութեան հնադարեան կուլտուրան ու քաղաքական անկախութիւնը: Կովկասեան երրորդ և փոքրաթիւ տաւարի ցեղը ներկայացնում է Կաս-պեան զերու, կամ ինչպէս նրան իւր բնակավայրում՝ Լենկարանի դաւառում անւանում են «ղիլեակ»: Այս ցեղի առանձնաւորութիւնը կալանում է նրանում, որ թիկունքի վերալ ունի մասգոնդ մինչ 5 ֆունտ ծանրութեամբ, որը երբեմն հասնում է 10 ֆունտի: Այս ցեղի կենդանու միջի քաշը մորթելուց լետու 7—7½ փութ. և աւելի է: Գիլեակը ղեղեցկակազմ է, արագաշարժ, նման աւելի կիսավայրենի կենդանու, ցրտին աւելի դիմացկուն է քան թէ շոգին: Արածում է ամողջ ձմեռը, շատ անգամ ձիւնի տակից փնտռելով իւր կերակուրը: Լեռներից տեղափոխելով դաշտը, չի դիմանում և սատկում է: Գիլեակի ցեղը տարածւած է Լենկորանի գաւառի շարունակութիւն կազմող պարսկական Նահանգներում, ինչպէս օրինակ Մազանդարանում, Գիլեակը խառնւելով դաշտային ցեղի հետ, տալիս է նոր տեսակ «դուբարի», որը ունի երկու

ցեղերի էլ առաւելութիւնները և բաւականաչափ տարածւած է լեռների պաւստում:

Այս տեղական ցեղերին միանում են Կովկասում՝ Զերկասեան և Նոդաբան ցեղերը: Առաջինը ներմուծել են Կովկաս ռուս աղանդաւորները, իսկ երկրորդը տարածում են Մեծ Կովկասում լեւոնցիները: Այս երկու ցեղերն էլ մեր տեղականներից խոշոր են, բայց զժւար են լարմարում մեր ընտանական պաւստներին:

Հետազոտութեան ոչ զլիսաւոր առարկան կազմում են տաւարի միւս տեսակները ալն չափով, որ չափով նոքա աղղում են տաւարապահութեան վերայ: Տաւարների թւում ի հարկէ գտնւում են և գոմեշները: Վերջին տեսակի վերաբերմամբ ալն է հետաքրքրական, որ նա զլիսաւորապէս տարածւած է դաշտալին և շոք մասերում, որտեղ շատ ջուր կալ: Իսկ հաւերի մէջ տարածւած է և ցուրտ տեղերում, ինչպէս օրինակ Արագածի ստորոտներում, Նոր-Բալաղեղի լեռնադաշտում և ալն: Այս հանգամանքը հեղինակը բացատրում է նորանով, որ ալն տեղերի աղղաբնակութիւնը գաղթականութիւն է դաշտերից: Իսկ մենք կարծում ենք, որ պատճառը պատմական է: Գոմեշը ամեն տեղ տարածւած է հաւերի մէջ: Երբ Հալաստանին թաթարները տիրեցին և բնակութիւն հաստատեցին նորանում, անասնադոգութիւնը դարձաւ նորանց ամենասիրած առարկան: Գոգութեան համար ամենից քիչ չարմարութիւններ է ներկալացնում գոմեշը. նա ծանրաչար է ու լեռնալին ուղիներում վազելու բոլորովին անընդունակ: Այս տեսակ անասուն պահելը համեմատաբար աւելի ապահով էր: Եւ իրաւագուրկ հալ ժողովուրդը յատկի չարգում էր ալն տեսակ անասունին: Այդ կարելի է նկատել ալսմ օրինակ Մշում, Ալաշկերտում և ալն. նոյնպէս և ալսմ մեր երկրում, չը նախելով որ անասնադոգութիւնը ամենատարածւած և ամենասովորական երևոյթն է, գոմեշներ ամենից քիչ են դողացում: Թուրքերը, որ գոգութեան մէջ ցուց են տալիս մեծ հնարագիտութիւն—արժանի աւելի լաւ արհեստի, մի քանի տեղեր, ինչպէս օրինակ Փամբակում, վերին աստիճանի արտասովոր և մի և նոյն ժամանակ դարչելի ոճրագործութիւն են հր. նարեւ գոմեշի ալն անլարմարութիւնների չնորհիւ: Զը կարողանալով ամբողջ գոմեշը գողանալ, մորթում են պատահած դիւղում ալն անասունին և վերցնում կաշին, 5 կամ 6 բուբու համար գիւղացուն տալով 60 կամ 70 բուբու մնաս:

Պէտք է ցաւել որ հեղինակի հետազոտութեան մէջ չէ մտել ձիապահութիւնը մեղանում, չը նախելով, որ ալն կողմից մեր երկիրը նոյնպէս հետաքրքրելի է: Յալսնի է որ մեր ձիերը, հին ժամանակներից սկսած, ևրկրորդն են համարւում արաբականից լետով: Անասնապահութեան այս ճիւղը, եթէ կանոնաւոր կերպով առաջ տարւի, կարող է մեծ եկամուտի աղբիւր դառնալ մեր երկրի համար: Մեր երկրի ձին, երբ ամենադաւաճակտն տեսակներից էր համարւում, անգլիականը բոլորովին չալսնի չէր. բայց նրանց

տիւննիկան ալնքան է աղնւացրել տեղական ձիու ցեղը, որ հատը մի քանի հազար ռուբլիներով է ծախվում, մինչդեռ մերը երկու հարիւր ռուբլու հազարէն ողջաբերելու է հասնում: Այս ճիւղի չը հետազոտելու համար չի կարելի մեղադրել հեղինակին, որովհետեւ նրա թեման պաշտօնական է, ինքը չի ընտրել: Նոյն պատճառով հեղինակը առանձին չի հետազոտել անասպահութեան միւս նշանաւոր ճիւղը — ոչխարապահութիւնը:

Միւս գլուխներում հեղինակը խօսում է անասնապահութեան նպատակի, նրա սննդի միջոցների, կաթի արդիւնաբերութեան և գոմապահութեան մասին: Այդ չօղածներից երևում է, որ անասնապահութիւնը մեր երկրի բոլոր ժողովրդների համար դուրսեւան պալման է, ոչ սակաւ անգամ կազմելով եկամուտների միալնակ աղբիւրը, ինչպէս օրինակ խաչնարածների մօտ:

Ժողովրդի արդիւնքը անասնապահութիւնից գլխաւորապէս կախնում է նրանում, որ բոլոր հողագործութիւնը հիմնւած է ալք ութի վերայ և կաթնեղէնը հացից լեւող կազմում է նրա ամենագլխաւոր սնունդը: Անասնապահութիւնը, իբրեւ եկամուտի աղբիւր, նոյնպէս կաթի արդիւնքների վաճառութիւնը՝ ընդհանուր երևույթ չէ և չատուկ է գլխաւորապէս խաչնարածներին և առանձնապէս խոտառատ գաւառների բնակիչներին: Կաթից գլխաւոր մթերքներ պատրաստելը՝ իւղը և պանիրը չալտնի է աղաբանակութեան բոլոր մասերին և զգալի առանձնապատկութիւններ չի նշարւում դրանց վերաբերմամբ: Պանրի մի քանի տեսակները, ինչպէս օրինակ օսերինը, զագախինը, թուշերինը խիստ չարգլած են թէ և ծախւում են եւրոպական տեսակներից 4 կամ 5 անգամ աւելի աժան: Ի՞նչու ի՞նչու միեւնոյն առարկան, նոյնպիսի կաթից պատրաստած, տալիս է մեր ժողովրդին 4 կամ 5 անգամ աւելի քիչ եկամուտ քան թէ եւրոպացուն:

Մեր կեանքի ամեն մի երևույթը դիտելիս՝ միշտ ծագում է ալք հարցը: Շատ տխուր և վհատեցուցիչ տեսարան է ներկայացնում մեր երկրի ժողովուրդների իրական կեանքը: Դա աղքատութեան և տգիտութեան տեսարան է, մինչդեռ տնտեսական չառաջադիմութեան համար բնական պալմաները խիստ բաւարար են:

Սրանով մենք վերջացնում ենք մեր կարճ տեսութիւնը պ. Քալանթարի հեղինակութեան աւիթով: Իսկ ով հետաքրքրւում է ամբողջի վիճակով և ցանկանում է ուսումնասիրել նրա կեանքը որոշող պալմանները, վստահութեամբ կարող է դիմել պ. Քալանթարի հետազոտութեանը, որի մէջ ալք կեանքի ամենանշանաւոր կողմերից մէկը նկարագրւած է ալնքան հիմնաւոր և չափող կերպով, որքան ալք հնար է ներկայ հանգամանքներում: